



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ioannis Ioviani Pontani amorum libri II.**

**Pontano, Giovanni Gioviano**

**Venetiis, 1518**

Laudes Ducis Calabriæ de uictoria hydruntina.

**urn:nbn:de:hbz:466:1-13534**

VERSUS

Lucis auctor sol fouet, atq; amico

Spectat ab astro.

Præficit regnis pater hanc deorum,

Præficit bellis animosa uirgo,

Author & Mars militiæ, ac uirorum

Bella gerentum.

Hanc domum Musæ sibi uendicantur

Et bonæ hanc artes studijs, boniq;

Cultus & recti, simul & sacrorum

Iusticiæq;

Templaq;, & regum monumenta, & arces,

Aedium insignes aditus adornant,

Et dijs gratiam, & patribus, uirisq;, &

Plebe frequentem.

LAVDES Alphonsi Ducis Calabriae de uis-

ctoria Hydruntina.

m Ens Iouis proles, Ioue mens parente

Nata, ne desis mihi, neu canentem

Et decus belli, & ducis acta, & artes,

Defere uatem.

Te colo insignis dea, ture, & aris

Vota persoluens. tibi nostra cultum

Barbitos carmen sonat, & canoro

Ludit in antro.

Victor Hydrunto redit in recepto

Belliger Dux. en tituli ducesq;

Hostium, & præda ante rotas, & arma

Capta trahuntur.

Cernite auulsos clypeos lacertis,



Cernite abreptas humeris pharetras,  
Medicos dextris gladios, madentis

Sanguine cristas.

Ille quem spectas humero reciso  
Nasdan est, princeps equitum. Ille adempti  
Naribus, Nabdir peditum tribunus,

Abdelanille,

Signifer truncis manibus, cruento  
Pectore, hic hic est Megabæus. illi

Assan, Asmir, præpositi manipulis

Gentis eoræ.

Signa sternuntur, phaleræq; equorum.

(Heu pudet tanti ducis) Hacumetus

Ducatur uinctus manibus, grauatus

Colla catennis.

Fulmen en belli uenit. en Gradiui

Efferi uultus, sequitur palanxq;

Eubois. uincuntur acies athena

Luce coruscant.

Ensis ille est, quo toties Ameti

Terga uerterunt trepidæ cohortes.

Hasta & illa est, qua cecidere pulsæ

In mare turmæ.

Ille equus, quo fulmineum sequente,

Persicum in fossas uiolenter agmen

Est datum præceptis. age io triumphe.

Dicite uulgus.

Hic cruentatus clypeusq; & horrens,

Cædibus claua, hac trepidauit intra

Mænia Armaspes. Age io triumphe.



Dicite vulgus.

Illud in summa stetit arce signum

Oblitum tunc Turcico cruore.

Nunc riget tabo. en age io triumphe,

Dicite vulgus.

Hicine Alphonsus patriæ receptor?

Hostium uictor, pepulit qui ab oris

Italæ classem Argolicam, et furentis

Contudit ictus?

Ite dis nostris meritos honores

Soluite. ornentur fora, templa, et ædes.

Atria argento niteant, fluatq;

Molle Falernum.

Me sat hærentem gremio puellæ,

Vulnera, et stratas acies referre,

Et ducis fortis animos, et acris

Militis arma,

Uiq; fallacem, studijs, et astu,

Veçte quàm hasta non minus, et bidente,

Aggere, et uallo, et sudibus repressum

Ceperit hostem.

#### AD CHARITES.

o' Dee, o' almæ Veneris ministræ,

Quæ puellarum, iuuenumq; curas

Ore mulcetis, capitisq; amantum

Pectora cantu,

Quæq; nympharum uirides recessus,

Fluminum et ripas colitis, quæ et antra

Pectine arguto recreatis, udas